

Cv yvpayes, cv yvpayes,  
 Enke es cv hvlatet os;  
 Vevkayv toyvranis,  
 Enke es cv hvlatet ok'.

2. Omahv 'stemerkv rakken,  
 Omahv afvcketv tis  
 Es cv teropottet omes;  
 Momis cv yvpaye munkvts.  
 Cv yvpayes, etc.

3. Pucase, cv'nken hvlvtvs,  
 Mont yvmaskusen cv hayvs;  
 Nake estomis cv cakkof,  
 Cv yvpayetskat vn heres.  
 Cv yvpayes, etc.

4. Mon cen herkv teropotten  
 Vtotketvn poyvyofvt,  
 Elkv en cv penkahlekos,  
 Cesvs cv yvpvyvret ok'.  
 Cv yvpayes, etc.

22.

"I Am Coming to the Cross."

TOHWEKLEPKVN OH ATIS.

Rev. Wm. McDonald.

Gospel Songs, p. 59.

Cv 'stemerket, yekcekot,  
 Tohweklepkvn oh atis.  
 Nak eti ehvperkvt's;  
 Vhesak'tvn hopoyis.

Pucase, cem enhonris;  
 Kalfvlen eletskvtes;  
 Ce homvn vtokkekis;  
 Muevn cv hesayeevs.

2. Vhofunen cv feken  
 Es ce hopoyimvtes.  
 Hofunen holwvyeckvt  
 Ve oh wetenkepemvts.  
 Pucase, etc.

3. Cesvseslopieuset  
 Muevn vm punayet os;  
 "Holwvyeckv omvlkvn  
 Muevn cem vkueyares."  
 Pucase, etc.

NETTVCAKO COKV-HECKV.

4. Monkv cvnak' omvlkvn,  
Cv 'na mont vn yvfekev  
Omvkvn ce'mvyet os;  
Estofis cenak' tares;  
Pucase, etc.

5. Cv temfaccetskvttet os;  
Mon mv ofvn enhonris.  
Vm eletskvtet onkv,  
Holwakat vm elet os.  
Pucase, etc.

6. Cv Pucaset vlvkes;  
Cv feken vm fvceces;  
Cv hvsatkuset omes;  
Cesvs kvsvmkekvs.  
Pucase, etc.

23.

"Come to the Saviour."

HESAYECVN A OH VVVKs.

Geo. F. Root.

Gospel Songs, p. 62.

Fekhonnekot Cesvs oh vvvks;  
Mucv nettvn yvn hueret omes;  
Heren punayen 'mapohievks;  
"Vvvks," pu kieket os.

32

NETTVCAKO COKV-HECKV.

Pu 'facket eteheceyvres,  
Pu feke hvsvthvket omof,  
Cesvs vpaket fulleyvres,  
Emeyuksv-sekon.

2. Hopuetake ve oh vwekvs,  
Makan afvcket 'mapohievks,  
Esfackusen enhopoyvker's,  
Fekhonnekot vvvks.  
Pu 'facket, etc.

3. Tokvs, hvtvm vkerrievkes,  
Mucv-nettvn yvn hueret omes;  
Vn hopuetake, ve oh vvvks,  
Maket, pum merret huer's.  
Pu 'facket, etc.

24.

"What Shall the Harvest Be?"

VTELOKV NAKE TAR HAKS?

Mrs. E. S. Oakey.

Gospel Songs, p. 76.

Nettv herusof fokayakes;  
Nettv hiyof fokayake munk's;  
Hvsvklvkvranof fokayak's;  
Nere yomuekofvn fokayak's;  
Vtelokv nak tar haks?

33

Neren fokayet, nettvn fokayet,  
Yecekofvt, mont yekcet omofvt,  
Ekvnv ofvn vtelayak's;  
Yuksv-sekat 'mvtelayak's.

2. Nene afopken fokayakes;  
Cvto vlkan fokayaket os;  
Ekvnv heran fokayakes;  
Tofvske vlkan fokayakes.  
Vtelokv nak, etc.

3. Ena nokkat nerkvv fokayak's;  
Feke nokkat nerkvv fokayak's;  
Hocefkv hopvuvran't fokayak's;  
Vlesketv nerkvv fokayak's;  
Vtelokv nak, etc.

4. Feknokhoket fokayaket os;  
Iivkihoket fokayaket os;  
Enhonrkv ofvn fokayakes;  
Heren vtelayeyvres, kont;  
Vtelokv nak, etc.

25.

**"I Want to Be Like Jesus."**

CESVS OMARET KOMIS.

Tune, Webb.

Cesvs omaret komis,  
Eyaskit, kvncapit;  
Cvppvket opunayen  
Estit pohekates.  
Mekusapvye munket  
Cesvs omvyate!  
Etevolen entvlket  
Emekusapvtes.

2. Cesvs omaret komis,  
Estofis merruset;  
Naorihoe 'stomis,  
Est' vnrpvpekates.  
Cesvs omaret komis,  
Esten enlopicit,  
Momof vtotkv hervn  
Cesvs ev Kievres.

3. Aeha ev Hesyayev  
Omvkot arit os  
Heyvn este estomis  
Kerkusen hece tay's

Cesvs yvmasusetskat,  
Ece 'nokecaren  
Cem merkvn a vn 'totvs,  
Ceme on cv hayvs.

—o—  
26.

**“Work, for the Night is Coming.”**

VTOTKVS, NERET VLAKET OMEKV.

Rev. S. Dyer.

Song Evangel, p. 76.

Neret vlvkvrans,  
Monkv vtotkvkes;  
Hvthvyvtken vtotkvks,  
Secut hvyvyakof.  
Nettv hiyof, vtotkvks;  
Vtotkvks, hvsottan,  
Neret vlvkvrans;  
Momof wikatskes.

2. Fvcev-likof vtotkvks,  
Neret vlvkvres.  
Hvyayakof vtotkvks,  
Fekvpkvt oces.  
Hvse-vkerkv omvl'  
Heren vtotkvkes;  
Neret vlvkvrans,  
Momof poyatskes.

3. Iivset vlvtkvrano  
Vtotke emunkvks;  
Sutvt eate emunkof  
Heren vtotkvkes;  
Vtotkatske emunken,  
Ee oh yomuekekvs;  
Entis neret vlakes,  
Vtotketvt pokof.

—o—  
27.

**“Beautiful River.”**

UERAKKO IERUSE.

Rev. Robert Lowry.

Song Evangel, p. 62.

Uerakkon teheceyvr haks?  
Cesvs em estvlke fullan?  
Cesvs likan a filnet os;  
Hvyvyvket filnet os.  
Momes, mvn teheceyvres,  
Uerakko herusen, esherusen,  
Mekusapvlken etohkvliket,  
Fulleye munkv tares.

2. Uerakko vfopke mimvn  
Pu 'fveket ykvpeyvres;  
Pu Hesayeevn 'kvsamet,  
Epu 'facke munkvres.  
Momes, mvn, etc.

3. Uerakkon rorēko munket,  
Nak pun honnat a pvlātēn,  
Merkvt cvto-kunaplanc  
Kvpytokvn pu'mvres.  
Momes, mvn, etc.

4. Uewv est' afvceeciat!  
Mv mekusapylke elkv  
Estofis etekypieekat  
'Kvsvmkvn kvwvpyres.  
Momes, mvn, etc.

5. Ue' tokunaphytke oman  
Lvpken erorieeyvres,  
Herkv esyvhiaketvhkvn  
Epu 'fvceecivres.  
Momes, mvn, etc.

— o —  
28.

**“Saviour, Lead Us.”**

“HESAYECA, EPU YVPVYVS.”

Dorothy Thrupp.

Song Evangel, p. 3.

Pu Hesayeev toyetskat,  
Epu 'heeciv onet  
Herieet epu yvpvyvs,  
Pu feken hysvthievs.

Hesahueca, Hesahueca,  
Pu nesetskvttet omes.

2. Pucase, cenake toyēs,  
Pum Fvyatv toyvtevs;  
Cem vheecikvn pu hayet,  
Holwvyeckvn vkueyvs.  
Hesahueca, Hesahueca,  
Pum mekusvpkvn pohvs.

3. “A ve oh vwatsken omat,  
Ce cvwvkares,” maketsk's;  
Merkv pu yacat ocetskes;  
Pu hysvthieetske tay's;  
Hesahueca, Hesahueca,  
Ee oh vwetvn komēs.

4. Cen herkvn cem 'pohēt, yiees,  
Cem apohieeyvren.  
Vnokeekvn epu 'tehvs,  
Acha pu Hesayeca,  
Hesahueca, Hesahueca,  
Pu 'nokeevs, cem pohēs.